

## 02 蹤仔海邊仔的日子

辜玲瑩

逐擺歇寒、歇熱的時，阿爸、阿母愛上班，個攏會共阮炁轉去雲林阿公遐蹤。阮阿公遐是佇海邊仔，附近有一大片的海沙埔，蹤仔彼个所在，生活實在是誠趣味，較耍都袂癢。

海水湧流、滇流逐工攏有兩遍，時間攏無固定。湧流就是退流，第一遍的湧流大部份攏是佇透早，這個時陣是挖蚶仔的好時機。見擺透早湧流，阿公家私攢好就會走來阮房間外口一直咻：「阿智仔、阿仙仔，恁好通起來矣，侷我門陣來去挖蚶仔喔！」我侷阿兄聽著，隨躡起來，目睭那接，淺拖仔囊咧，人就從出去矣，恐驚會綴袂著陣。面清彩用水扉兩下仔，就準做洗好矣，出發囉！阿媽的跤無方便，就留咧顧厝。

一下到曠闊的海沙埔，遐已經有袂少人矣，阮就趕緊開工囉。阿公用家私挖蚶仔，阮因仔人用手挖。無偌久阿公就挖著一桶大大桶矣，阮煞挖無半袋仔。看著花鯿、白扇仔一四界賴賴趁，規氣過去侷個走相逐，等阿公挖夠額，大細粒分開圓無全箱，搬起去貨車頂，阮就趕緊上車。

阿公共貨車駛到較食市的路邊停落來，車斗開開，我侷阿兄就大聲喝：「來買蚶仔喔！上鮮的蚶仔，緊來買蚶仔

喔！」新人客、舊人客齊齊來，無偌久就賣完矣。阿公會發工錢予阮兄妹仔，伊嘛無袂記得留一寡蚶仔轉去予阿媽煮來窒阮的喙空，彼款清甜的滋味內底閣有阿公、阿媽的愛心，有夠好食的啦！

有時湧流的時間較晏，阿公就炁阮去伊飼的魚塭仔，教阮按怎拋漁網仔，才會當共規領網仔展甲平坦坦。魚塭仔內有飼魚仔、蝦仔侷蟳仔，伊逐項攏掠一寡，掠著傷細尾的閣會共放轉去水裡，彼工暗頓阮就有腥臊的海產料理通享受矣。

這馬阮較大漢較無閒通轉去看個矣，跔海邊仔侷阿公、阿媽門陣生活，溫暖、快樂閣自在，是一段美麗的記持。有時我敢若聽著阿公咧叫我起來挖蚶仔的喝聲，雄雄坐起來，竟然是阿爸叫我起床的聲音，予我誠失望，嘛誠思念阿公侷阿媽。